

Guangjisi Minzcu Bau

ganhhau: CN45-0036 B.2017 Nd.8 Ng.2 liggaueq dingyoux nienz nyinh ndwenloeg cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3285期

Guengjsae Gyalai Ligdoh Daezswng Hwngfat Lijyouzyez Dieg Minzcu

广西加大力度提升发展民族地区旅游业

Bi 2017 byonghbi gonq, youq Swcigih Dangiveij, Cwngfuj deng-cingq lingjdaui lajde, Guengjsae saeqsim cujiz, yungh banhfap gaenxmaenx mizyauq haenx, mbouj-duenh guh ndei dieg minzcu liyouzyez hwngfat ginghfei douzhaui baujang gihci. Bi 2017 anbaiz swcigih liyouz hwngfat cienhangh ngaenzcienz 6 ik maenz, caeuq bi-gvaq doxlumj, ndawde: Boujdiep Gveilnz dieg liyouz gozci liyouz hanghmoeg 6720 fanh maenz, Bwzbuvaen gozci liyouz dieg gvaq ngoenzgyaj liyouz hanghmoeg 6020 fanh maenz, Bahmaj dieg liyouz gozci gyaenanz ciengxndang liyouz hanghmoeg 10000 fanh maenz, rangh liyouz henzguk fungcingz 6710 fanh maenz, aen yienh mizmingz liyouz daegsack Guengjsae

liyouz hanghmoeg hwnjguh boujdiep ngaenzcienz 16040 fanh maenz, laebdaeb dajciengj daengx gih guk-gya hajsinggaep liyouz bouq-haenx, gukgya 4A gaep liyouz ginggih caeuq Guengjsae hajsinggaep caeuq seiqsinggaep dieg liyouz lajmbanj roxnaeuz nungz-gyahloz, gyavauiq hwnjguh sam aen dieg liyouz gozci Guengjsae caeuq rangh liyouz henzguk fungcingz, doidoengh le daengx gih saeknding liyouz, swnghdai liyouz hwngfat gig hung.

Doengzseiz, Guengjsae nyinh-caen gvancez doeksaed gij ciji cingsaenz mizgven hwnjguh Yinzanz Guengjsae Gveicouh diegguhyiengh liyouz haenx, gyavauiq doicaenh sam sengi gih fatok gijndei minzcu vwnzva liyouz swhyenz, dajcauh

Cungguk Yinzanz Guengjsae Gveicouh vwnzva diegguhyiengh liyouz, gaenxmaenx yenzgiu cauxguh diegguhyiengh liyouz minzcu vwnzva, yw conzungj caeuq liyouz cangqheiq, liyouz bangfuz caeuq cinjing vut gungz, hwnjguh rangh ginghci gauhdez liyouz daengj fuengmienh neiyungz, caenh'itbough doicaenh hong gukgya daengx dieg diegguhyiengh liyouz caeuq hong song cauh song coi aen yienh mizmingz liyouz daegsack Guengjsae, doicaenh hwnjguh Cungguk Yeznanz Dwzdenh—Banjyoz dieg doxgap liyouz gozci, doicaenh cingbinj liyouz ginggih caeuq hwnjguh rangh liyouz hop hawsingz, gyavauiq daezswng caeuq hwngfat liyouzyez dieg minzcu.

(Swcigih Minzcunghveij Vangj)



Sanhgyangh: Mbanjdung Densangh Coi Vut Gungz

三江: 侗寨电商促脱贫

7 nyied 27 hauh, aen gihdi densangh Duzdung Cunh Duzdung Cin Sanhgyangh Duncuz Swciyen haidou hainieb, vunzmbanj dangdieg yungh fouxavenz, dwk youzcas, ngaizdaizraez daengj fungcingz daegsack daihhek. Geij bi neix daeuj, Duzdung Cin haenqrengz hwngfat densangh lajmbanj, doenggvaq gij vunqsik "hozcozse + gihdi + ranzungzhoj + densangh" dawz mbawcaz, gijgwn swnghdai caeuq veh bouxguhnaz Duncuz Mbanjdung daengj doxgaiq daegsack bau bae gai, hawj beksingq Mbanjdung mbouj ok mbanj couh ndaej laisou vut gungz. Ndaw doz dwg geij dahsau Duncuz dwk youzcas angqhoh aen gihdi hainieb.

(Gung Bujganh/龚普康)

Aenban Son'gyauq Dinfwngz Dajsan Minzcu Yungzsuij Bang Doi Cinjing Vut Gungz

融水民族工艺手工竹编培训班助推精准脱贫

7 nyied 26 hauh, Yungzsuij Myauzcu Swciyen Minzcunghgiz youq Vaizbauj Cin Hozcunh haiguh aenban son'gyauq dinfwngz yungh faexcuk dajsan doxgaiq gunghyi minzcu guh 15 ngoenz haenx. Baez aenban son'gyauq neix miz 50 boux caeuqfaenh, daengxcungq dwg mehmbwk ranzungzhoj Hozcunh.

Baez son'gyauq neix cingj Gyaj Cenbingz boux lauxhangz vehveh gunghyi Guengjsae, bouxswncienz feihyiz, lijswcangj Aen Hozcozse Yungh Faexcuk Dajsan Gunghyibinj

Vazyungz Yungzsuij daeuj hwnjdangz. Baez son'gyauq neix neiyungz miz yungh faexcuk dajsan haeuzdaeng, yungh faexcuk san aendeb, yungh faexcuk dajsan buenzmak, yungh faexcuk dajsan aenlamz, yungh faexcuk dajsan habhaenx daengj dinfwngz dajsan doxgaiq neix. Yungh gij fuengsik sonhag yienhciengz son, bouxhag doenghfwngz, hawj bouxhag rox genj caizliuh, luihduk, yot duk daengj dajsan daengx dauq dinfwngz cugyamq hag. Bouxhab hag baenz le, doenghgij doxgaiq dajsan okdaeu

haenx youz Aen Hozcozse Yungh Faexcuk Dajsan Gunghyibinj Vazyungz Yungzsuij doengjit yungh ngaenz soucawx, gajgez le gij vwndiz gai doxgaiq bouxhag.

Ciuq cam rox, Hozcunh miz faexcuk haemq lai, aen hozcozse yungh faexcuk dajsan gunghyibinj yungh gij faexcuk miz lai Mbanjmyauz neix, saeqsim gyagoeng baenz gunghyibinj okhingz ndei yawj, daezsang gyaqcienz de, ndaej daengz vunzlai haengjgyaez.

(Mungz Vazcingh Veiz Ciginh)

SIUSIK DINJ

简讯

● 7 nyied 29 hauh, Lozcwngz Mulaucuz Swciyen youq Aen Suen Yawjngonz Gingjsaek Swnghdai Luegcijhungz Gauhlingj Sangcauz Cunh Denhhoz Cin aen yienh neix banh gaiq daeuz bouxlwg caeuq bohme gvehoengz yalingyingz hozdung, yinx ndaej ca mbouj geijlai bak aen gyaranz gap doih daeuj caeuqfaenh, caezgya youq seiz ndatfwdwd neix doenggvaq mbaet gvehoengz, doxdax gwn gvehoengz daengj hozdung miz yinx, hawj caezgya roxnyinh sangjswd.

(Liu Gvanghfuz)

● 7 nyied 27 hauh, Bak-saek Si Minzyijban Lij Hungz-lanz daengj vunz, daengz Denzyangz Yen haiguh diucaz geiqloeg Vahsengj caeuq Vahcuengh, aen yienh neix daezhawj boux fatyaem Vahsengj caeuq boux fatyaem Vahcuengh Douzdangz Cin he, vih celouz vah minzcu yienghnduj, fatyiengz vwnzva minzcu daezhawj baengzgawq codauez.

(Denzyangz Yen Minzyijban)

● Mboengqneix, Cingsih Si Dungzdwz Yangh makhojlungzgoj buek daih'it bineix ndaej fungsou, suenmak 22 moux aen hozcozse ciennieb ndaem mak baenz miz Dungzdwz Yangh gungh sou ndaej makhojlungzgoj 5.5 fanh gaen, cienzbouh souhaeu miz daengz 22 fanh maenz, ciuq gij "roencienz" neix, gujsuenq daengx yangh 78 moux makhojlungzgoj souhaeu yaek daengz 70 lai fanh maenz, makhojlungzgoj ndaej hawj bouxguhnaz laisou.

(Hoz Yenlingz Veiz Yaujyen)

● Geij bi neix daeuj, Yungzsuij Myauzcu Swciyen Hozmuz Cin Gujdingj Cunh Mbanjcousang doenggvaq gij vunqsik "dangiyenz + hozcozse + ranzungzhoj + gunghsw", youq Dahyungzgyangh hwngfat yungh siengmuengx ciengx bya. Seiz-neix, 50 lai ranz ranzungzhoj gyahaeu hozcozse, doengzcae ciengx byaleix, byavanx, byandokhenj daengj doenghgij duzbya neix, bi ndaej canh daengz 70 lai fanh maenz, bangrengz cinjing vut gungz.

(Bangz Gwzbingz Lungz Linzci)